



**ხელშეკრულება საგანმანათლებლო  
მომსახურების გაწევის შესახებ**

ქ.თბილისი

\_\_\_\_\_ 202-- წელი

**მხარეები:**

**უმაღლესი საგანმანათლებლო დაწესებულება:**

**შპს ევროპის უნივერსიტეტი**

წარმოდგენილი რექტორის,

სახით

და

**სტუდენტი**

\_\_\_\_\_ სახელი გვარი / პირადი ნომერი /

საქართველოს მოქმედი კანონმდებლობისა და შპს ევროპის უნივერსიტეტის სამართლებრივი აქტებით დადგენილი პირობების შესაბამისად, დებენ წინამდებარე ხელშეკრულებას შემდეგზე:

**მუხლი 1. ხელშეკრულების საგანი**

- 1.1. წინამდებარე ხელშეკრულება აწესრიგებს „ევროპის უნივერსიტეტსა და „სტუდენტს“ შორის წარმოშობილ ორგანიზაციული და ფინანსური სახის ურთიერთობებს, „სტუდენტის“ „უნივერსიტეტში“ სწავლის პერიოდის განმავლობაში.
- 1.2. წინამდებარე ხელშეკრულებით სტუდენტი უფლებამოსილია, სრულად და ჯეროვნად მიიღოს უნივერსიტეტისგან საგანმანათლებლო მომსახურება და ვალდებულებას კისრულობს გადაუხადოს უნივერსიტეტს წინამდებარე ხელშეკრულების მოქმედების პერიოდში გაწეული საგანმანათლებლო მომსახურების საფასური (შემდგომში - „საგანმანათლებლო მომსახურების საფასური“) წინამდებარე ხელშეკრულებით გათვალისწინებული წესითა და ოდენობით, ხოლო უნივერსიტეტი, თავის მხრივ, კისრულობს ვალდებულებას, სრულად და ჯეროვნად გაუწიოს სტუდენტს საგანმანათლებლო მომსახურება და მოსთხოვოს მას წინამდებარე ხელშეკრულებით გათვალისწინებული ვალდებულებების სრული და ჯეროვანი შესრულება.
- 1.3. სტუდენტის აკადემიური საქმიანობა უნივერსიტეტში სწავლის პერიოდში წესრიგდება საქართველოს კანონმდებლობის, შპს ევროპის უნივერსიტეტის სამართლებრივი აქტებისა და იმ საგანმანათლებლო პროგრამის მოთხოვნებით, რომელზედაც სწავლის უფლებას მოიპოვებს სტუდენტი.

**მუხლი 2. მხარეთა უფლებები**

**2.1. „სტუდენტი“ უფლებამოსილია**

- ისარგებლოს საქართველოს კანონმდებლობით, კერძოდ „უმაღლესი განათლების შესახებ“ საქართველოს კანონისა და მისგან გამომდინარე კანონქვემდებარე აქტებით დაწესებული სტუდენტის ყველა უფლებით, მათ შორის, უფლებებით:
- 2.1.1. მიიღოს ხარისხიანი საგანმანათლებლო მომსახურება, საგანმანათლებლო პროგრამით გათვალისწინებული მოცულობით;
  - 2.1.2. მონაწილეობა მიიღოს ინდივიდუალური სასწავლო გეგმის შემუშავებაში;
  - 2.1.3. მონაწილეობა მიიღოს სამეცნიერო-კვლევით საქმიანობაში;
  - 2.1.4. მოითხოვოს ცოდნის სამართლიანი შეფასება;
  - 2.1.5. დამოუკიდებლად შეაფასოს სასწავლო პროცესი და უნივერსიტეტის მიერ შეთავაზებული სხვა სერვისები;
  - 2.1.6. პერიოდულად მოახდინოს აკადემიური/მოწვეული პერსონალის შეფასება;
  - 2.1.7. თავისუფლად გამოხატოს საკუთარი აზრი ან/და უარი თქვას მისთვის მიუღებელი იდეების გაზიარებაზე, რომელსაც სთავაზობენ სასწავლო პროცესის მიმდინარეობისას;
  - 2.1.8. გაწევრიანდეს სტუდენტურ და სხვა საზოგადოებრივ ორგანიზაციებში, უნივერსიტეტის ფარგლებში თუ მის გარეთ;

2.1.9. თანაბარ პირობებში ისარგებლოს უნივერსიტეტის მატერიალურ-ტექნიკური, საბიბლიოთეკო, საინფორმაციო და სხვა საშუალებებით;

2.1.10. მიიღოს უნივერსიტეტში მასზე არსებული ყველა სახის ინფორმაცია კანონმდებლობით და დგენილი წესით, ფორმითა და ვადებში;

2.1.11. გაასაჩივროს გამოცდებზე მიღებული შეფასების შედეგები უნივერსიტეტის შესაბამისი სამართლებრივი აქტით განსაზღვრულ ვადაში;

2.1.12. გაასაჩივროს უნივერსიტეტის აკადემიური, ადმინისტრაციული ან სხვა პერსონალის ქმედება თუ თვლის, რომ ამ ქმედებით დაირღვა მისი უფლებები და კანონიერი ინტერესები;

2.1.13. საქართველოს კანონმდებლობით დადგენილი წესით მიიღოს ინფორმაცია უნივერსიტეტის საქმიანობის შესახებ;

2.1.14. აკადემიურ/მოწვეულ პერსონალს მოსთხოვოს უკუკავშირის გაცემა მისი აკადემიური მოსწრების შესახებ.

## **2.2. სტუდენტი ვალდებულია**

2.2.1. გაეცნოს და განუხრელად დაიცვას საქართველოს მოქმედი კანონმდებლობითა და უნივერსიტეტის სამართლებრივი აქტებით გათვალისწინებული მოთხოვნები;

2.2.2. ისწავლოს უნივერსიტეტის საგანმანათლებლო პროგრამით გათვალისწინებული ყველა სასწავლო დისციპლინა, შესაბამისი პროგრამის მოთხოვნების დაცვით, მონაწილეობა მიიღოს საგანმანათლებლო პროგრამით გათვალისწინებულ აქტივობებში;

2.2.3. დაიცვას ევროპის უნივერსიტეტის ეთიკისა და დისციპლინური პასუხისმგებლობის კოდექსით განსაზღვრული ეთიკის ნორმები;

2.2.4. გადაიხადოს სწავლის საფასური ხელშეკრულებით დადგენილი ოდენობითა და პირობებით;

2.2.5. დროულად გამოცხადდეს გამოცდებზე და დარეგისტრირებულ სასწავლო კურსებზე უნივერსიტეტის მიერ დამტკიცებული ცხრილის შესაბამისად. ცხრილით განსაზღვრულ გამოცდაზე არ გამოცხადების შემთხვევაში, სტუდენტი ვალდებულია წარმოადგინოს გაცდენის საპატიო მიზეზის დამადასტურებელი წერილობითი დოკუმენტი, წინააღმდეგ შემთხვევაში პირი არ დაიშვება გამოცდის აღდგენაზე.

## **2.3 უნივერსიტეტი უფლებამოსილია**

2.3.1. დაგეგმოს სასწავლო პროცესი, საგანმანათლებლო პროგრამის შესაბამისად, განსაზღვროს აკადემიური აქტივობების ვადები;

2.3.2. განსაზღვროს სტუდენტის სასწავლო საქმიანობის, ეთიკისა და დისციპლინარული პასუხისმგებლობის, სტუდენტის სტატუსის მოპოვების, შეჩერებისა და შეწყვეტის, უნივერსიტეტში სასწავლო პროცესის ორგანიზების სხვა წესები, მოქმედი კანონმდებლობის მოთხოვნების დაცვით;

2.3.3. მოსთხოვოს სტუდენტს უნივერსიტეტის ღირსებისა და პრესტიჟის დაცვა;

2.3.4. მოსთხოვოს სტუდენტს გადაიხადოს საგანმანათლებლო მომსახურების საფასური ხელშეკრულებით გათვალისწინებული წესითა და ოდენობით. ვალდებულების შეუსრულებლობის შემთხვევაში შეუჩეროს სტუდენტს სტატუსი.

2.4. სტუდენტი თანახმაა, რომ ეფექტური და სწრაფი კომუნიკაციის მიზნით, უნივერსიტეტმა სიახლეების მიწოდება და სარეკლამო შეტყობინებების (პირდაპირი მარკეტინგი) გაგზავნა განახორციელოს სტუდენტის ელ-ფოსტაზე და ტელეფონის ნომერზე/ნომრებზე.

2.2.6. პერიოდულად შეამოწმოს და გაეცნოს სასწავლო პროცესის მართვის ელექტრონული სისტემაში, თავის გვერდზე განთავსებულ ინფორმაციას/დოკუმენტაციას და ა.შ.

## **2.5. უნივერსიტეტი ვალდებულია**

2.5.1. უზრუნველყოს საგანმანათლებლო მომსახურების გაწევა საგანმანათლებლო პროგრამის შესაბამისად, სტუდენტის მიერ შესაბამის საფეხურზე სწავლის კანონმდებლობით დადგენილი პერიოდის განმავლობაში.

2.5.2. უზრუნველყოს უცვლელი სწავლის საფასური, სტუდენტის მიერ შესაბამის საფეხურზე სწავლის კანონმდებლობით

დადგენილი პერიოდის განმავლობაში.

2.5.3. არ დაუშვას სტუდენტის დისკრიმინაცია რასის, კანის ფერის, სქესის, წარმოშობის, ეთნიკური კუთვნილების, ენის, რელიგიის, პოლიტიკური ან სხვა შეხედულებების, სოციალური კუთვნილების, ქონებრივი ან წოდებრივი მდგომარეობის, საცხოვრებელი ადგილის ან სხვა ნიშნის მიხედვით.

2.5.4. უზრუნველყოს სტუდენტის პერსონალური ინფორმაციის დაცვა, საქართველოს მოქმედი კანონმდებლობის შესაბამისად;

2.5.5. ხელი შეუწყოს სტუდენტს საქართველოს კანონმდებლობითა და უნივერსიტეტის სამართლებრივი აქტებით დადგენილი უფლებების შეუფერხებლად რეალიზებას, იზრუნოს საუნივერსიტეტო აკადემიური გარემოს განვითარებაზე.

### **მუხლი 3. საგანმანათლებლო მომსახურების გაწევის საფასური**

3.1. წინამდებარე ხელშეკრულების შესაბამისად - უნივერსიტეტის მიერ გაწეული საგანმანათლებლო მომსახურების ღირებულება მხარეთა შეთანხმებით გათვალისწინებულია \_\_\_\_\_ (\_\_\_\_\_) ლარის ოდენობით თითოეული სასწავლო წლისათვის, \_\_\_\_\_ საგანმანათლებლო პროგრამის კანონმდებლობით დადგენილი ხანგრძლივობის პერიოდის ( \_\_\_\_\_ წელი) განმავლობაში.

3.2. სტუდენტი ვალდებულია თანხის გადახდა უზრუნველყოს სასწავლო წლის განმავლობაში 10 ნაწილად, სასწავლო პროცესის მართვის ელექტრონულ სისტემაში, სტუდენტის გვერდზე ატვირთული გრაფიკის შესაბამისად, არაუგვიანეს ყოველი თვის ბოლო სამუშაო დღისა, გარდა შემოდგომის და გაზაფხულის სემესტრის დასაწყისში გადასახდელი თანხისა, აღნიშნულ პერიოდში სტუდენტმა თანხის გადახდა უნდა უზრუნველყოს რექტორის სამართლებრივი აქტით განსაზღვრულ ადმინისტრაციული რეგისტრაციისთვის დადგენილ ვადაში.

3.3. საგანმანათლებლო მომსახურების წლიური ღირებულება მოიცავს სტუდენტის მიერ 2 (შემოდგომისა და გაზაფხულის) სასწავლო სემესტრის განმავლობაში თითოეულ სემესტრში 30 კრედიტის გავლის შესაძლებლობას, შესაბამისი საგანმანათლებლო პროგრამით გათვალისწინებული მოთხოვნებით.

3.4. სასწავლო კურსის განმეორებით მოსმენის შემთხვევაში სტუდენტი ვალდებულია გადაიხადოს სასწავლო კურსის განმეორებით მოსმენის საფასური; საფასური განისაზღვრება საგანმანათლებლო სასწავლო კურსისთვის მინიჭებული კრედიტების რაოდენობის შესაბამისად.

3.5. მხარეები უფლებამოსილი არიან შეთანხმდნენ სწავლის საფასურის გადახდის განსხვავებულ გრაფიკზე. შეთანხმება აუცილებელია დადასტურებული იყოს ორივე მხარის მიერ და დაერთოს წინამდებარე ხელშეკრულებას.

3.6. აღნიშნული მუხლით დადგენილი სწავლის საფასურის გადახდის წესი არ გამოიყენება, თუკი სტუდენტი მოიპოვებს სოციალური ან სხვა პროგრამით გაცემულ გრანტს. აღნიშნულ შემთხვევაში, სტუდენტი ვალდებულია სწავლის საფასურის გადახდის პერიოდის დადგომამდე წარუდგინოს უნივერსიტეტს ინფორმაცია გრანტის თაობაზე. გრანტით სწავლის საფასურის ნაწილობრივად დაფინანსების შემთხვევაში, ამ მუხლით გათვალისწინებული სწავლის საფასურის გადახდის წესი გამოიყენება სტუდენტის მიერ გადასახდელი თანხის პროპორციულად.

3.7. სწავლის დაწყებიდან ერთი კვირის გავლის შემდეგ, გადახდილი სწავლის საფასური არ ექვემდებარება დაბრუნებას. სტუდენტის მიერ რეგისტრირებული საგნის გაუქმება<sup>1</sup> ან/და სტატუსის შეჩერება სტუდენტის სტატუსის აღდგენის შემთხვევაში არ ათავისუფლებს უნივერსიტეტსა და მას შორის წარმოშობილი ფინანსური ვალდებულებებისაგან.<sup>2</sup>

### **მუხლი 4. ხელშეკრულების ძალაში შესვლა და მოქმედების ვადა**

4.1. წინამდებარე ხელშეკრულება ძალაში შედის „სტუდენტის“ მიერ „ევროპის უნივერსიტეტის“ სტუდენტის სტატუსის მოპოვების დღიდან და მოქმედებს სტუდენტის მიერ ევროპის უნივერსიტეტში \_\_\_\_\_ საგანმანათლებლო პროგრამაზე სწავლის პერიოდის განმავლობაში.

<sup>1</sup> გამოწვეულია სტუდენტის სტატუსის შეჩერებით, სტატუსის შეწყვეტით, კონკრეტულ საგანზე რეგისტრაციის გაუქმებით.

<sup>2</sup> სტუდენტის მიერ წინასწარ გადახდილი მიმდინარე სემესტრის სწავლის საფასური დაბრუნებას ექვემდებარება (სტუდენტის სტატუსის შეჩერების, სტატუსის შეწყვეტის, კონკრეტულ საგანზე რეგისტრაციის გაუქმების შემთხვევაში) სწავლის დაწყებიდან ერთი კვირის განმავლობაში სტუდენტის მიერ სათანადო განცხადების წარმოდგენის შემთხვევაში. ერთი კვირის შემდეგ წინასწარ გადახდილი სწავლის საფასური არ ბრუნდება.

4.2. სტუდენტის სტატუსის მოპოვების, სტუდენტის სტატუსის შეჩერება-აღდგენისა და სტუდენტის სტატუსის შეწყვეტის პირობები განისაზღვრება საქართველოს კანონმდებლობისა და უნივერსიტეტის სამართლებრივი აქტების შესაბამისად. სტუდენტისათვის სტატუსის მოპოვების, შეჩერების, აღდგენისა და შეწყვეტის თაობაზე გამოიცემა უნივერსიტეტის სამართლებრივი აქტი, რომელიც ეცნობება სტუდენტს.

4.3. სტუდენტისათვის სტატუსის შეჩერების შემთხვევაში, მხარეები თავისუფლდებიან წინამდებარე ხელშეკრულებით გათვალისწინებული უფლება-მოვალეობებისგან. აღნიშნული არ ათავისუფლებს მხარეებს სტატუსის შეჩერებამდე წარმოშობილი ვალდებულების შესრულებისგან.

4.4. სტუდენტისათვის სტატუსის შეწყვეტის შემთხვევაში, მხარეები ვალდებული არიან, სრულად შეასრულონ სტატუსის შეწყვეტამდე წარმოშობილი ვალდებულებები.

### **მუხლი 5. პერსონალური მონაცემების დამუშავება**

5.1 სტუდენტი უფლებას აძლევს უნივერსიტეტს, დაამუშავოს სტუდენტის პერსონალური მონაცემები, კერძოდ, განახორციელოს მისი პერსონალური მონაცემების დამუშავება ავტომატური, ნახევრად ავტომატური ან/და არა ავტომატური საშუალებებით შეუზღუდავად, მათ შორის განახორციელოს შეგროვება, ჩაწერა, ფოტოზე აღბეჭდვა, აუდიოჩაწერა, ვიდეოჩაწერა, ორგანიზება, შენახვა, შეცვლა, აღდგენა, გამოთხოვა, გამოყენება ან გამჟღავნება მონაცემთა გადაცემის, გავრცელების ან სხვაგვარად ხელმისაწვდომად გახდომის გზით, დაჯგუფება ან კომბინაცია, დაბლოკვა, წაშლა ან განადგურება ან/და მესამე პირებისათვის გადაცემა მათი შემდგომი დამუშავების მიზნით, საქართველოს მოქმედი კანონმდებლობის გათვალისწინებით.

5.2 უნივერსიტეტი უფლებამოსილია სტუდენტის შესახებ ინფორმაცია აგრეთვე დაამუშაოს საქართველოს მოქმედი კანონმდებლობით დადგენილი სხვა საფუძვლებისა და პრინციპების დაცვის ფარგლებში.

### **მუხლი 6. დავის განხილვა და გადაწყვეტა**

6.1. მხარეთა შორის დავა გადაწყდება მოქმედი კანონმდებლობის შესაბამისად;

6.2. ნებისმიერი ის საკითხი, რომელიც არ არის რეგულირებული წინამდებარე ხელშეკრულებით, შესაძლებელია გადაწყდეს მხარეთა ურთიერთმოლაპარაკების გზით.

6.3. თუკი მხარეთა შორის შეთანხმება ვერ იქნა მიღწეული, თითოეულ მხარეს უფლება აქვს მიმართოს სასამართლოს, საქართველოს კანონმდებლობით დადგენილი წესით.

### **მუხლი 7. სხვა პირობები**

7.1. მხარეთა შორის არსებულ ურთიერთობასთან დაკავშირებული საკითხები, რომლებსაც არ აწესრიგებს ეს ხელშეკრულება, რეგულირდება „უმალესი განათლების შესახებ“ საქართველოს კანონის და მისგან გამომდინარე კანონქვემდებარე ნორმატიული აქტების, საქართველოს სამოქალაქო კოდექსისა და საქართველოს კანონმდებლობის სხვა შესაბამისი ნორმებით.

7.2. სასწავლო პროცესის მარეგულირებელი წესი ითვლება ხელშეკრულების განუყოფელ ნაწილად.

7.3. ხელშეკრულება შედგენილია ორი თანაბარი იურიდიული ძალის მქონე ეგზემპლარად. თითოეული ეგზემპლარი გადაეცემა ხელშეკრულების მონაწილე მხარეებს.

წინამდებარე ხელშეკრულების პირობებზე შეთანხმების დასადასტურებლად ხელშეკრულებას ხელს აწერენ:

|                                 |                      |
|---------------------------------|----------------------|
| <b>შპს ევროპის უნივერსიტეტი</b> | <b>სტუდენტი</b>      |
| <b>რექტორი</b>                  | <b>სახელი, გვარი</b> |
|                                 | <b>პ/ნ</b>           |
|                                 | <b>ხელმოწერა</b>     |